

Naqqiut

1. august 2025-mi siunnersuummut taarsiut

(Inatsisitigut teknikikut aamma oqaatsitigut naqqiisoqarpoq, kiisalu inatsisissatullu siunnersuummut naqqiummit allannguutininik ilanngussisoqarluni)

Siunnersuummut nassuiaatit

Nassuiaatit nalinginnaasut**1. Aallaqqaasiut**

Umiarsualivimmiinnermut akileraarutit pillugit Inatsisartut inatsisaata allanngortinnera pillugu Inatsisartut inatsisaannik, tassunga ilanngullugit akileraarutininut akigititat, nalunaartussaataaernerit ataasiakkaannguillu minillugit, naleqqussaanissaq siunertaralugu siunnersuummik matuminnga saqqummiussisoqarpoq.

Sunniuteqarluarnerusumik allaffissornerup ingerlanissaanik, assigiiaarnerusumik unammilleqatigiinnermi atugassaqartitsinissamik maannakkullu pisariaqartitsinnermut naapertuuttumik malittarisassanik nutarterinissamik qulakkeerinninnissaq siunnersuummi siunertarineqarpoq. Taamatuttaaq najukkami atortorissaarutininik pitsanngorsaanerit atornerqarsinnaasunik kommunit avatangiisinut aserfallatsaaliuinnermullu akitsuutininik aalajangiinissamik periarfissaat siunnersuutikkut annertusineqarpoq.

2. Siunnersuummi immikkoortut pingaarnerit

Akileraarutit sorliit Inatsisartut inatsimmi pineqassanersut suullu piumasaqaatigineqassanersut paasilluarsinnaajumallugit malittarisassanik atuuttunik allanngortitsinissaq siunnersuutigineqarpoq. Tamatuma saniatigut najukkami umiarsualiveqarnermut oqartussat aqqutigalugit siornatigut akiliisoqartarsimaneranut taarsiullugu toqqaannartumik Akileraartarnermut Aqutsisoqarfimmut nalunaaruteqartoqartalerlunilu akitsuutininik akiliutinillu akiliisoqartalertussaammat malittarisassat allanngortinneqassapput.

Umiarsuit takornariartaatit Kangerlussuarmi umiarsualivimmut tikittut umiarsualivimmiinnerannut akileraarutininut akigititanik siunnersuutitigut appaasoqassaaq. 2024-mi ukiakkut ataatsimiinnermi Kangerlussuarmi umiarsualivimmiinnermut akileraarutit oqaasertaliussat aqqutigalugit apparneqarput. Matuma kingorna oqaasertaliussaq 2025-mut aningaasanut inatsimmut ilanngunneqarpoq. Kangerlussuup Umiarsualiviani umiarsualivimmiinnermut akileraarutit umiarsuarnut takornariartaatinut usertussutsimut tonsit (BT) 30.000 ataallugit BT-mut 1,10 kr.-mit 0 kr.-mut aamma umiarsuarnut takornariartaatinut usertussutsimut tonsit (BT) 30.000 qaangerlugit BT-mut 2,20 kr.-mit 0,70 kr.-mut allanngortinneqarnissaa siunnersuutitigut qinnutigineqarpoq.

Inatsisartut inatsisaata atuuffiini annertusisitsinermik kinguneqartumik erseqqissaanissaq siunnersuutigineqarpoq, taamaalillutik umiarsuit ilaasartaatit, umiarsuarnut takornariartaatinut ilaasunut akitsuummi pineqalissammata, tamatumalu peqatigisaanik najukkami atortorissaarutiniq pitsanngorsaannermut atorneqarsinnaasunik kommunip avatangiisinut aserfallatsaaliuinernullu akitsuutiniq akileeqqusinissaanut periarfissai siunnersuutitigut annertusineqarput.

Tamatuma saniatigut sunngiffimmi angallatit nunanit allaneersut umiarsualivimmiinnermut akileraaruserneqartarnissaannik erseqqissaanermik ilanngussisoqarnissaa siunnersuutigineqarpoq, tamatumalu peqatigisaanik umiarsuarmut taamaattunut umiarsualivimmiinnermut akileraarut ullormut unnuamullu akileraarut 300 kr.-unissaa siunnersuutigineqarluni.

2.1 Tunngavigineqartoq inatsisillu atuuttut

Ukiut ingerlaneranni Inatsisartut inatsisat arlaleriarluni allanngortinneqartarsimavoq. Umiarsuit takornariartaatit amerlanerulerneranni artukkiinerit iliuuseqarfigineqarnissaat kingullermik inatsisip 2023-mi allanngortinneqarneranut siunertarineqartut ilagaat. Tamanna tunngavigalugu umiarsuarni takornariartaatini tamani ilaasunut akitsuutit (umiarsuarnut takornariartaatinut ilaasunut akitsuut), umiarsuit takornariartaatit angisuut umiarsualivimmiinnerannut akileraarutiniq akigititat nutaat kiisalu kommunit avatangiisinut aserfallatsaaliuinernullu akitsuusiisinnanerat atuutilersinneqarput.

Umiarsuit takornariartaatit tamarmik Kalaallit Nunaanni umiarsualivimmut tikittut, umiarsualiviup avataanut kisarsimasut tikinnermi ataatsimi ilaasumut ataatsimut 50 kr.-nik ilaasunut akitsuummik akiliisussaataapput. Nunamut niunernut ataasiakkaanut tamanut umiarsuarni takornariartaatini ilaasunut ataasiakkaanut tamanut 50 kr.-t angullugit avatangiisinut aserfallatsaaliuinernullu akitsuutiniq aalajangersaanissamut kommunit periarfissinneqarput. Kommunit namminneerlutik sumiiffinnik akitsuusiiffissanik toqqaassapput.

Ulloq 1. januar 2024 umiarsualivimmiinnermut akitsuut marloriaatinngortinneqarpoq, tassa umiarsuarnut takornariartaatinut angisuunut 30.000-imik qaangerluguluunniit bruttotonilinnut 2,20 kr.-qalerpoq. Umiarsuit takornariartaatit allat umiarsualivimmiinnerinut akileraarut taamaaginnarpoq, tassa ullormut unnuamullu ataatsimut aallartittumut BT-nut ataasiakkaanut 1,10 kr.-qarpoq.

Umiarsualivimmiinnermut akileraarut

Illoqarfinni nunaqarfinnilu 19-iusuni umiarsualivinni tullinnguuttumi allassimasut umiarsuit tikinneranni avataaniluunniit kisarnerannut (umiarsuit umiarsualiviup avataani kisartut ilanngullugit) akileraaruserneqartussaataitaasunut tunngatillugu umiarsualivimmiinnermut

akileraarutinin akileeqquneqartarput: Qaanaaq, Upernavik, Uummannaq, Qeqertarsuaq, Ilulissat, Qasigiannugit, Aasiaat, Kangaatsiaq, Sisimiut, Kangerlussuaq, Maniitsoq, Nuuk, Paamiut, Narsaq, Narsarsuaq, Qaqortoq, Nanortalik, Tasiilaq aamma Ittoqqortoormiit, Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Namminersorlutik Oqartussat nalunaarutaat nr. 81, 21.decembari 2023-meersaq takuuk.

Nuummi Umiarsualivik

Nuummi Umiarsualivik umiarsualivimmut tikinnermut atatillugu atuisunut akiliisitsisarpoq. Akitigut qaffasissutsinik sanilliussisinnaanissaq qulakkeerniarlugu umiarsuit takornariartaatit Kalaallit Nunaanni umiarsualivinnut tikittartut eqqarsaatigalugit Nuummi umiarsualivimmiinnermut akileraarutit apparnissaa inatsisip kingusinnerusukkut allanngortinneqarnerani akuersissutigineqarpoq¹.

Taamaammat Nuummi Umiarsualivik umiarsuit takornariartaatit ilaannut tamakkiisumik umiarsualivimmiinnermut akileraarusiineq ajorpoq, tassami ataatsimut isigalugu atuisunik akiliisitsisarneq Nunattalu Karsianut akitsuusiinikkut akileraarutit eqqarsaatigalugit Nuummi Umiarsualivimmi akigitinneqartoq qaffasippallaassammat. Umiarsuarnut takornariartaatinut Nuummi Umiarsualivimmut tikittunut ataatsimut akiliisitsinermi pineqarput umiarsualivimmut atuisunut akiliuteqartitsineq nunattalu karsianut akitsuusiinikkut akileraarut.

Aalajangersagaq malillugu umiarsuarnut takornariartaatinut BT 30.000-nik qaangiisimannigitsunut akileraarutininut akigititaq 0 kr.-uvoq. Umiarsuup takornariartaatit BT-ia 30.000-iussappat imaluunniit qaangersimappagu akileraarut ullormut unnuamullu aallartitanut ataasiakkaanut BT-kkaanut 0,70 kr.-ussaaq. Umiarsualivinni allani umiarsuup BT-ata 30.000 qaangersimannigippagu ullup unnuallu aallartinnerinut ataasiakkaanut akileraarut 1,10 kr.-uvoq, kisianni umiarsuarnut takornariartaatinut allanut ullup unnuallu aallartinnerinut ataasiakkaanut BT-mut 2,20 kr.-uvoq.

2.2 Siunnersuutit imarisai

Kangerlussuarmi Umiarsualivimmi umiarsuit takornariartaatit umiarsualivimmiinnerannut akileraarut

Kangerlussuarmi umiarsualivimmik Sikuki Nuuk Harbour A/S-ip tiguserata kingorna, Nuummi umiarsualivimmut atuuttoq assigalugu Kangerlussuarmi umiarsualivimmut aamma taanna atuuppoq. Taamaammat Nuummi Umiarsualivik assigalugu Kangerlussuarmi Umiarsualivimmi akileraaruseeriaatsip ataavartumik atuutilersinneqarnissaa siunnersuutigineqarpoq. Siunnersuummik akuersissuteqarnikkut Nuummi umiarsualivimmi Kangerlussuarmilu umiarsualivimmi akigititat assigiilissapput, taakkulu tamarmik Sikuki

¹ Inatsisartut inatsisaat nr. 61, 20. novembari 2023-meersaq

Nuuk Harbour A/S-imit aqunneqarput. Ilaasartaatit sunngiffimmilu angallatit pillugit nassuiaatit annertusinerisigut, umiarsuit taakku Nuummi aamma Kangerlussuarmi umiarsualivinni akitsuutaat appartinneqassasut atuutinneqassanngitsullu aamma siunnersuutigineqarpoq.

Umiarsualivinnut (Nuuk aamma Kangerlussuaq) Sikuki Nuuk Harbour A/S-mit aqunneqartunut, ingerlatseqatigiiffik atuinnermut akiliummik akileeqqusisarpoq. Nuup Umiarsualiviani umiarsuarnut takornariartaatinut BT apeqquataatinnagu umiarsuarnut takornariartaatinut BT-mut 1,17 koruuninik Sikuki Harbour A/S akiliisitsisarpoq, Kangerlussuarmilu umiarsualivik BT-mut 2,08 koruuninik akiliisitsisarlungi (2025-mi kisitsisit). Tikittut ikinnerusarnerat sioqqanillu milluaasarnermut atatillugu aningaasartuuteqarnera Kangerlussuarmi akit qaffasinnerunerannut tunngavilersuutigineqarput. Tamatuma saniatigut umiarsualivimmiinnermut aamma umiarsuarnut takornariartaatinut ilaasunut akitsuutit pillugit inatsisartut inatsisaanni malittarisassat malillugit umiarsuit umiarsualivinnut taakkununga aqqusaartut umiarsualivimmiinnermut aamma umiarsuarnut takornariartaatinut ilaasunut akitsuummik akileeqquneqartarput.

Nuummi nunanut tamalaanut mittarfiup ammarneratigut umiarsuit takornariartaatit Kangerlussuarmut tikittartut ikileriarsimapput. Maannakkut akigitinneqartut eqqarsaatigalugit (atuisunut akiliuteqartitsineq umiarsualivimmiinnerullu akileraarut) ikileriarnertit sulii amerleriarnissaannut tunngatillugu aarlerinaatinik pingaarutilinnik kinguneqassanngilaq. Maannakkut Nuummi umiarsualivimmut akileraaruseeriaaseq assigalugu Kangerlussuarmi akileraaruseeriaaseq atorneqalerpat umiarsuarnut takornariartaatinut pilerinarneruleqqissinnaavoq.

Umiarsuit allat umiarsualivimmiinnerinut akileraarut

Malittarisassat maannakkut atuuttut malillugit umiarsuit takornariartaatit, umiarsuit ilaasartaatit, nunat allat aalisariutaat umiarsuillu usinik assartuisartut akileraarusiigassaataapput, § 3, imm. 1-imi nr. 1-imit 4-mut atuuttut takukkit. Tamatuma peqatigisaanik umiarsuit takornariartaatit tikittartut amerliartornerisa peqatigisaanik siunissami umiarsuit allat minnerusullu, takornarianik ilaasoqarlutik takornarianillu ilaasoqarnatik, maani nunatsinni umiarsualivinnut tikittarnissaat naatsorsuutigineqarpoq. Taamaammat siunnersuut, umiarsuit ilaasartaatit nutaamik nassuiaateqarfigineqarnerannik umiarsuillu § 3-mi umiarsualivimmiinnermut akileraarutinik akiliisartussat nalunaarsorsimaffianni ilanngussinermik imaqarpoq.

Umiarsuit ilaasartaatit aamma umiarsualivimmiinnermut akileraarutip qaffanneqarneranik nassuiaatit nutaat

Maannakkut umiarsuit ilaasartaatit nassuiarneqarnerisa ajornartorsiutigineqarnissaa pinngitsoortinniarlugu umiarsuit ilaasartaatit sorliit Inatsisartut inatsisaanni pineqarnerannik

erseqqissaasoqarnissaa siunnersuutigineqarpoq. Umiarsuit ilaasartaatit takornariartaataangitsut, umiarsuarnut 100 BT-mut taannaluunniit qaangerlugu angissusilinnut, ilaasunik angallassisarnissaq siunertaralugu sananeqarsimasunut allanngortinneqarput. Tamatuma peqatigisaanik umiarsuarnut takornariartaatinut akigitinneqartut assigalugit umiarsuarnut taakkununga umiarsualivimmiinnermut akileraarutip qaffanneqarnissaa siunnersuutigineqarpoq. BT-nut tamanut ullup unnuallu aallartinneranut 0,70 kr.-mit 1,10 kr.-mut allanngortinneqarpoq.

Umiarsuit tamarmik 100 BT-mik taannaluunniit qaangerlugu angissusillit ilaasunik angallassisussatut sananeqarsimasut siunissami umiarsuit takornariartaatit minnerusut assigalugit umiarsualivimmiinnermut akileraaruteqartarnissaat erseqqissaanikkut siunnersuutigineqarpoq.

Maannakkut Inatsisartut inatsisaanni § 2-mi mininneqartut ingerlateqqinneqartut siunnersuummi § 6 malillugu umiarsuit mininneqartut pineqanngillat, aamma umiarsuit pisortanit pigineqartunut eqqakkanik il.il. katersuillutillu assartuisartunut atuutsinneqanngitsunik nutaamik ilanngussisoqarpoq.

Umiarsuit, ilaasunut akitsuummut kiisalu avatangiisinut aserfallatsaaliuinermullu akitsuutitut ilaasut ilaatinneqarnissaat

Umiarsuarni 100 BT-mit qaangerluguluunniit angissusilinni ilaasunik angallassisartussatut sananeqarsimasuni ilaasunut akitsuummi pineqartuni tulannermi ilaasumut ataatsimut 50 kr.-qassasoq siunnersuutigineqarpoq, kiisalu nunamut niunernut ataasiakkaanut tamanut ilaasunut 50 kr.-t angullugit avatangiisinut aserfallatsaaliuinermullu akitsuutitik aalajangersaanissamut kommunit periarfissinneqarput.

Sunngiffimmi angallatinik nunanit allaneersunik taakkunungalugu umiarsualivimmiinnermut akileraarusiisarnermik allannguneq

100 BT ataallugu BT-mit angissutillit sunngiffimmi angallatit nunanit allaneersut, tassunga ilanngullugit angallatinik tingerlaatilinnik erseqqissaasoqarnissaa siunnersuutigineqarpoq. Angallatit taakku umiarsualivimmiinnermut akileraaruteqartarnissaat erseqqissarneqassaaq. Tamatuma peqatigisaanik sunngiffimmi angallatit nunanit allaneersut umiarsualivimmut tulannerannut, umiarsualiviup avataanut kisarnerannut ullormut unnuamullu aallartittumut 300 kr.-qassasoq siunnersuutigineqarpoq, siunnersuummi § 3, imm. 3 takuuk.

Atuutsinneqanngitsunik allannguneq - § 2, nr. 3-mut aamma nr. 15-imut nutaamut atuuttut
Inatsisartut inatsisaanni § 2-mi maannakkut mininneqartut marlunnik allannguuteqarfigalugit siunnersuummi § 6-mi ingerlateqqinneqarput.

Nr. 3-mi umiarsuarnik 200 BT ataallugu angissusilinnik nunatsinni angerlarsimaffeqartunik nalunaarutiginninnissaq pillugu piumasaqaat peerneqarpoq. Allannguutip malitsigisaanik

inuussutissarsiutigalugu angallatit 5 BT-mit mikinerusut sunngiffimmilu angallatit 20 BT-mit mikinerusut nunatsinni angerlarsimaffillit Dansk Skibsregisterimi (DAS) nalunaarsorneqarsinnaajunnaassapput.² Malittarisassat atuuttut malillugit angallatit nalunaarsuiffianni (FTJ) taamaallaat angallatinik minnerusunik inuussutissarsiordermi atorneqartunik, assersuutigalugu umiarsuarnik ilaasartaatinik aalisariutinillu nalunaarsuisoqarsinnaavoq.

Nr. 15-imi umiarsuarnut pisortanit pigineqartunut eqqakkanik il.il. katersuillutillu assartuisartunut atuutsinneqanngitsunik nutaamik ilanngussisoqarpoq.

Najukkami umiarsualiveqarnermut oqartussanut pisussaaffinnik peersineq

Maannamut najukkami umiarsualiveqarnermut oqartussat umiarsualivimmiinnermut aamma umiarsuarnut takornariartaatinut ilaasunut akitsuusiinikkut akileraarutitik akileeqqusinissamut, nalunaaruteqarnissamut akiliisitsinissamullu pisussaaffeqarnerat peerneqarpoq. Tassunga taarsiullugu siunissami umiarsuup naalagaa, isumaqatiginninniartartua agentialuunniit umiarsuaq umiarsuullu nunatsinniinneralu pillugit paasissutissanik attuumassutilinnik pisarialinnillu toqqaannartumik akileraaruseriffimmut nalunaaruteqartalissapput. Paasissutissanik nalunaaruteqartarnermut atorneqartartoq kiisalu umiarsualivimmiinnermut akileraarutitik ilaasunullu akitsuutitik kiisalu avatangiisinut aserfallatsaaliuinnermullu akitsuutitik naatsorsuinnermut atorneqartartoq, akileraaruseriffiup systemia nutaaq, Talippoq, aqqutigalugu tamanna pissaaq.

Matuma kingorna akileraaruseriffik akiligassiisummik nassiussissaaq, toqqaannartumillu akileraaruseriffimmut akiliisoqassaaq. Umiarsuarnut, agentinut, umiarsualiveqarnermut oqartussanut akileraaruseriffimmullu allaffissornikkut pisariillisaataassaaq.

Najukkami umiarsualiveqarnermut oqartussat umiarsuarnut attaveqareertartut umiarsuillu sorliit tulannerannik malinnaasartut siunissami umiarsuarnut umiarsualivimminnut tulattunut Talippoq pillugu innersuussinissamut ilitersuinissamullu pisussaaffilerneqassapput.

Allannguutit taakku Umiarsualivimmiinnermut aamma umiarsuit takornarianik angallassissutit ilaasunik angallassinernannut akileraarutit pillugit Namminersorlutik Oqartussat nalunaarutaannik nr. 81-imik, 21. decembari 2023-meersumik pisariaqartumik allannguinnermik malitseqartinneqarumaarput, ullumikkut najukkami umiarsualiveqarnermut oqartussat suliaasaat tassani itisilerneqarput.

² Takuuk umiarsuit nalunaarsorneqartarnissaat pillugit Kalaallit Nunaannut nalunaarut, matumani umiarsuit inuttaqartinnagit attartortittakkat nalunaarsorneqartarnissaat aamma Dansk Skibsregister-imi (qalluaat umiarsuarnik nalunaarsuisarfianni) umiarsuit nalunaarsorneqarsimasut pisinnaatitaaffii aamma umiarsuit Kalaallit Nunaanni angerlarsimaffillit Fartøjsfortegnelse-mi ilanngunneqartarnissaat ilanngullugit.

3. Pisortat aningaasaqarnerinut allaffissornerullu kingunissai

Kangerlussuarmut akileraarutinut akigititanik ataavartumik appaaneq 2025-mit kingornalu ukiumut akitsuutinit iluanaarutit 800.000 kr.-nik ikilinissaat nalilerneqarpoq. Iluanaarutit ikilinissaat 2025-mut Aningaasanut inatsimmi ilanngunneqareersimapput. 2024-mut Kangerlussuarmut tulattussanut allattorsimaffik tunngavigalugu missiliuisoqarpoq. Umiarsuit takornariartaatit 30.000 ataallugu BT-llit 50-it aamma umiarsuit takornariartaatit 30.000 BT qaangerlugu angissusillit marluk tulannissaat missingerneqarpoq. Tamanna tunngavigalugu umiarsualivimmiinnermut akileraarutip allanngortinnera akitsuutinit iluanaarutissat 800.000 koruunit annaaneqarnerannik kinguneqassasoq nalilerneqarpoq.

Umiarsuit 100 BT-mit qaangerluguluunniit angissusillit ilaasunik angallassisussatut sananeqasimasut umiarsualivimmiinnerinut akileraarummik qaffaanermi pingaarnertut yachtit umiarsualivimmut tulattartut pineqarnissaat naatsorsuutigineqarpoq. 2024-mi juulimiit septembarimut yachtit katillugit tulattut 26-t nalunaarsorneqarsimapput, taakkulu umiarsualivimmiinnermut akileraarutaat 70.000 kr.-usimallutik. Akileraarutinut akigititat 0,70 kr.-mit 1,10 kr.-mut allanngortinneqarnissaannik siunnersuuteqarnerup malitsigisaanik iluanaarutit taakku 40.000 kr.-nik qaffannissaat naatsorsuutigineqarpoq.

Ilaasunut akitsuummit iluanaarutissat kiisalu umiarsuarnut 100 BT-mit qaangerluguluunniit angissusilinnut ilaasunik angallassisussatut sananeqarsimasunut tunngatillugu avatangiisnut aserfallatsaaliuinemullu akitsuutinik aalajangersaanissamut kommunit periarfissinneqarnerisa kingunerisaanik iluanaarutissat aalajangersimasumik kisitsisitalerlugit missingerneqanngillat.

Sunngiffimmi angallatit nunanit allaneersut, tassunga ilanngullugit angallatit tingerlaatillit killilimmik amerlassuseqarnissaat pineqarpoq, tassami 2024-mi juulimit septembarimut katillugit angallatit tingerlaatillit ataatsit tulassimasutut nalunaarsorneqarsimammata, taamaalillunilu iluanaarutissat annikinnerusumik qaffanneqarput.

Umiarsuit eqqakkanik atortussanillu atoqqitassanik katersuinnermut, angallassinermut usingiarnemullu atatillugu umiarsualivimmut tulattut umiarsualivimmiinnermut akileraarutini mininneqarnerat 2026-mit ukiumut 12.000 kr.-t missaannik akitsuutinit iluanaarutit ikileriassangatinneqarput. 2024-mi umiarsuit poortorsimanngitsunik assartuutit umiarsualivimmiinnerannut nalunaarsorneqarsimasut akileraarutillu akilernerqarsimasut tunngavigalugit missiliuisoqarpoq.

Siunnersuut akileraaruseriffimmut aningaasaqarnikkut allaffissornikkullu annikitsumik kinguneqassasoq nalilerneqarpoq, tassami Talippoq annerusumik atuutilersinneqareermat. Umiarsuit suussusaannik nutaanik ilanngussineq aamma systemimi akigititanik allannguneq 100.000 kr.-t missaannik akeqarnissaa missiliorneqarpoq.

4. Inuussutissarsiortunut aningaasaqarnikkut allaffissornikkullu kingunerisassat

Siunnersuut takornariartitsisarnermik inuussutissarsiuteqartunut imaluunniit Sikuki Nuuk Harbour A/S-imut Kangerlussuarmi umiarsualivimmik aqutsisunut kinguneqartitsissanngilaq, tassami akileraarutinit akigitat 1. januaari 2024-mit atuutilersumik iluarsineqarsimammata.

Siusinnerusukkut eqqaaneqareersutut umiarsuit eqqakkanik atortussanillu atoqqitassanik katersuinnermut, angallassinermut usingiarnermullu atatillugu umiarsualivimmut tulattut umiarsualivimmiinnermut akileraarutinit akileeqquneqartarunnaarnerisa kingunerisaanik siunnersuut ESANI A/S-imut aningaasaqarnikkut oqilisaassissasoq naatsorsuutigineqarpoq.

Siunnersuuteqarnikkut umiarsualiveqarnermut oqartussanut malunnartumik oqilisaataanissaa naatsorsuutigineqarpoq, tassami taakku allaffissornikkut pisussaaffii arlallit atorunnaarsinneqassammata. Najukkani umiarsualivinnut oqartussat akitsuutit akiliutillu akilersinnissaannik, nalunaarutiginissaannik akilernerqarnissaannillu pisussaaffii atorunnaarsinneqarput, najukkanilu umiarsualivinnut akisussaasut ukiumoortumik nalunaarummik suliaqarnissamut akileraaruseriffimmullu ukiumoortumik nalunaarummik nassiussinissamik pisussaaffeqarunnaassapput.

5. Avatangiisinut, pinngortitamut inuillu peqqissusaannut kingunerisassat

Siunnersuut annikinnerusumik najukkami avatangiisinut pinngortitamullu pitsaanngitsumik kinguneqartussatut nalilernerqarpoq, tassami Kangerlussuarmut umiarsualivimmiinnermut akileraarummik appaaneq tulattartut amerlinerannik kingunerqarnissaanik missingerneqarmat.

Siunnersuut innuttaasut peqqissuunerannut annertuunik kinguneqassanngitsoq nalilernerqarpoq.

6. Innuttaasunut kingunerisassat

Siunnersuut innuttaasunut kinguneqassanngitsoq nalilernerqarpoq.

7. Kingunerisassat pingaarnertit allat

Siunnersuut allatigut annertuumik kinguneqassanngitsoq naatsorsuutigineqarpoq.

8. Pisortanik aamma kattuffinnik il.il. tusarniaaneq

Siunnersuut 18. juuni 2025-mit 16. juuli 2025-mut ukunani tusarniaavigineqarpoq:

GE Sulisitsisut, SIK, Grønlands Revision, BDO, Nunatsinni Advokatit, Royal Arctic Line A/S, Arctic Umiaq Line A/S, Visit Greenland A/S, KNAPK, AECO (Association of Arctic Expedition Cruise Operators), KNI A/S, Blue Water Shipping, Eimskip, Arctic Circle Business, Innovation South Greenland, Qeqertalik Business Council, Imaq Pilot, Sikuki Nuuk Harbour A/S, Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq.

Taamatuttaaq siunnersuut ulloq 18. juni 2025-mi tusarniaanermut nittartakkami
www.naalakkersuisut.gl-mi tamanut saqqummiunneqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Inatsisartut inatsisaanni § 1-ip nutaamik oqaasertaliornera, aamma inatsisartut inatsisaanni § 1 a-mik ingerlatitseqqinneruvoq. Akileraarutit akitsuutillu ataasiakkaat paragrafinut attuumassutilinnut innersuussinertaqarput.

Akitsuutit Inatsisartut inatsisaat naapertorlugu akilersinneqartartut siunissami assigiinngitsut pingasuunissaat erseqqissarniarlugu, Inatsisartut inatsisaanni § 1, imm. 1-imi akitsuutit pingasut suuneri, aqqusaarneq sumiiffillu apeqqutaatillugit umiarsuarnut pineqartunut akilersinneqartussat pingasut innersuussutigineqarput. Taamaalilluni aamma § 3, 4 aamma 5-imut innersuussuteqartoqarpoq. Naggasiullugu § 6-imi atuutinneqanngitsut pillugit aalajangersakkamut innersuussisoqarpoq.

Umiarsuit “umiarsualivimmut tulannerat” siamasissumik paasineqassaaq, tassa umiarsuit umiarsualiviup avatinnguani kisartut umiarsuillu kisarfissamittut umiarsualivimmiinnermut akitsuuteqartussaataitanerit ullumikkut ilaareermat. “Kisarneq” aamma aalajangersimasumik sumiiffimmi aalajangersimasuunissaa ilanngullugu aamma paasineqassaaq.

“Kisarfik” tassaavoq imartaq immap itissusiata immaqalu malinnut angisuunut nalinginnaasumik illersuiffiusup umiarsuarnik kisarsinnaatikkai. Imaassinnaavoq tulatarfimmud tulannissaq utaqqineqartoq, aammali umiarsualivimmi anorersuarnera/tineqqanera aamma pissutaasinnaapput. Umiarsuit takornariartaatit angisuut aamma umiarsualivimmit nammineq tamatigut tulassinnaanngillat, taarsiulluguli umiarsualiviup avataani assersuutigalugu kangerliumanermi qaninnermi kisaqqasariaqarlutik, tassani ilaasut nunamut takusassarsiorfimmulluunniit angallatit mikisut atorlugit assartorneqarlutik.

Akitsuuteqartussaataitanermi “tulanneq” kisimi pineqanngitsoq, umiarsuilli aamma umiarsualiviup avatinnguani kisaqqasinnaanerat umiarsuilli kisarfimmiissinnaanerit erseqqissarniarlugit siunnersuutigineqarpoq, “umiarsualiviulluunniit avataani kisaqqanerit aamma kisarfimmut apuunnerat” Inatsisartut inatsisaanni § 1-imut ilanngunneqassasoq.

Nr. 2-mut

Umiarsualiveqarnermut akileraarut pillugu immikkoortumut qulequtaq nutaaq ilanngunneqassaaq.

Nr. 3-mut aamma nr. 4-mut

§ 1 a, § 1 b, § 1 c aamma § 2 atorunnaarsinneqassapput. Aalajangersakkat pineqartut siunnersuummi § 1, § 4, § 5 aamma § 6-imi ingerlateqqinneqarput.

Nr. 5-imut

Inatsisartut inatsisaanni § 3-mi oqaasertaasa ilaat erseqqissaavigineqarput akileraarutinullu akigititat allanngortinneqarlutik.

Inatsisartut inatsisaanni § 3, imm. 2, nr. 3 erseqqissarneqarpoq, tassa umiarsuit ilaasartaatit inatsimmi matumani pineqartut tassaatinneqartut umiarsuit 100 BT-mik qaangerluguluunniit angissusillit ilaasunik angallassisussatut sananeqarsimasut. Tamatuma peqatigisaanik umiarsuarnut ilaasartaatinut umiarsualivimmiinnermut akileraarut ullormut unnuamullu ataatsimut aallartittumut BT-mut 70 oorimiit 1 kr. 10 oorimut qaffanneqarpoq. Taamatuttaaq umiarsualivimmiinnermut akileraarutip assinga umiarsuarnut takornariartaatinut minnernut 30.000 ataallugu BT-linnut atorneqassaaq.

Aalajangersakkami § 3, imm. 3 nutaanut ilanngunneqarpoq. Aalajangersagaq taanna malillugu sunngiffimmi angallatit 100 BT ataallugu angissusillit umiarsualivimmut ataatsimut nunassinermi akitsuummik umiarsualivimmut ataatsimut nunassinermi ulloq unnuarlu ataatsip aallartinneranut 300 kr.-nik akiliisussaataaassapput. Angallatip usitussusia apeqqutaatinnagu ullormut unnuamullu aalajangersimasumik akigititanik aalajangersaasoqarpoq, tassami angallatit minnerit sunngiffimmilu angallatit minnerit usisinnaanerat annikinnerukkajuttarmata aamma umiarsuit annerit assigalugit uuttortarneqarsinnaanngimmata/assigiissarneqarsinnaanngimmata.

Inatsisartut inatsisaanni § 3, imm. 4 (imm. 2 atuuttoq) Kangerlussuarmi umiarsualivik ilanngunneqarpoq, taamaalilluni maannakkut umiarsuarnut takornariartaatinut ilaasartaatinullu umiarsualivimmiinnermut akileraarutinut akigititat Nuummi umiarsualivimmut tulattunut atuuttut assigalugit umiarsuit takornariartaatit aamma ilaasartaatit Kangerlussuarmi Umiarsualivimmut tulattut aamma pineqalerput. Tamatuma saniatigut immikkoortoq “nunanit allanit sunngiffimmi angallatit” ilanngunneqarput, taakku § 3, imm. 4-ami akitsuummik Nuummi Kangerlussuarmilu nunasinermi ilaatinneqassanngimmata.

Nr. 6-imut

Ilaasunut akitsuut pillugu immikkoortumik nutaamik qulequttamik ilanngussisoqarpoq.

Nr. 7-imut

Siunnersuummi § 4-mi § 1 b atuuttoq ingerlateqqinneqarpoq, tassani ataasiakkaanik erseqqissaasoqarpoq umiarsuillu ilaasartaatit ilanngunneqarlutik, taamaalillutik umiarsuit takornariartaatit umiarsuillu ilaasartaatit umiarsualivimmiinnermut akileraarutitigut ilaasunut akitsuutini pineqarnerat ersarissumik allassimalerlutik.

Najukkami umiarsuit ilaasartaatit soorlu Sarfaq Ittuk aamma Disko Linep ikaartaatai assigisaalu umiarsuaatileqatigiinnit pigineqartut, Namminersorlutik Oqartussanik kiffartuussinissamik isumaqatigiissuteqarsimasut umiarsuit ilaasartaatit pillugit atuutsinneqanngitsuni atuuttuni pineqarput, taakkulu siunnersuummi § 6, imm. 1, nr. 10-mi ingerlateqqinneqarput.

Tamatuma saniatigut umiarsuit ilaasartaatit 100 BT ataallugu oqimaassusillit ilaasut akitsuutaannik akiliisassanngitsut aalajangersarneqarpoq.

§ 4, imm. 2-mi § 1 b, imm. 2 atuuttoq ataatsimik allannguuteqartillugu ingerlateqqinneqarpoq, taamaalilluni ukioq aningaasaqarfik 2025-mit ukioq aningaasaqarfik 2026-mut, akitsuutillu qaffasissusia Inatsisartunit aningaasanut inatsimmi aalajangersarneqartoq allannguutaallutik.

Nr. 8-mut

Avatangiisinut aserfallatsaaliuinemullu akitsuutit pillugit immikkoortumik nutaamik qulequttamik ilanngussisoqarpoq.

Nr. 9-mut

§ 1 c-mi atuuttut siunnersuummi § 5-mi ingerlateqqinneqarput, ataasiakkaanik erseqqissaasoqarpoq umiarsuillu ilaasartaatit ilanngunneqarlutik, taamaalillutik umiarsuit takornariartaatit umiarsuillu ilaasartaatit avatangiisinut aserfallatsaaliuinemullu akitsuutinik akiliisarnissaat erseqqissarneqarput. Umiarsuarmit ataatsimit nunniussinerit amerlassusaat apeqqutaatinngu, qaammatisiutit malillugit ulloq unnuarlu ataatsimi sumiiffimmi ataatsimi nunasinertut ataatsitut isigineqarneranik periuseq atuuttoq tassani ilanngunneqarpoq.

Tamatuma saniatigut umiarsuit ilaasartaatit 100 BT ataallugu oqimaassusillit avatangiisinut aserfallatsaaliuinemullu akitsuusertarnissaat pillugu aalajangersaasoqarsinnaanngitsoq aalajangersarneqarpoq.

Nunamut niunerup suut kingunerissanerai Inatsisartut inatsisaanni nassuiarneqarput, taamaattorli umiarsuit arlallit sumiiffimmi ataatsimi nunamut arlaleriarluni niusineranni avatangiisinut aserfallatsaaliuinemullu akitsuutit sorliit akilerneqassanersut

nassuiarneqanngilaq. Umiarsuaq sumiiffimmi ataatsimi ullormut unnuamullu ataatsimut tulannermik ataatsimik nalunaarsuisinnaavoq / nalunaarsuissaaq.

Ullup ataatsip ingerlanerani sumiiffimmi ataatsimi umiarsuaq arlaleriarluni nunamut niusisinnaavoq. Umiarsuarnut ilaasut nunamut niuniarlutik ullormi tassani ullaap tungaani piffissap ilaannaani ualikkullu piffissap ilaannaani tulannerat ullormi ataatsimi tulannertut isigineqartussaassaaq. Ullormi aalajangersimasumi tulannermut ataatsimut nalunaaruteqartoqarlunilu akitsuutinik akiliisoqassaaq.

Umiarsuarmut ilaasut nunamut niuniarlutik sumiiffimmi ataatsimi ullormi siullermi piffissap ilaannaani tulannerannut ullullu aappaani piffissap ilaannaani tulannerannut umiarsuaq tulannernut marlunnut akiliissaaq. Tulannerit marluk nalunaarutigineqassapput tulannernullu marlunnut akitsuutinik akiliisoqassaaq, ullormi ataatsimi tulanneq ataaseq.

Piffissami sivisunerusumi sumiiffimmi ataatsimi uninnganermi ullut tamaasa nunamut niusisoqartartillugu tamatuma assinganik ullormut ataatsimut tulanneq nalunaarutigineqarlunilu ullormut ataatsimut tulannermut akitsuutinik akiliisoqartassaaq.

Nr. 10-mut

Atuutsinneqanngitsut pillugit immikkoortumik nutaamik qulequttamik ilanngussisoqarpoq.

Nr. 11-mut

Siunnersuummi § 6-imi § 2-mi atuuttut ingerlateqqinneqarput, imm. 1, nr. 15-imi nutaamik atuutinngitsumik ilanngussisoqarpoq.

Inatsisartut inatsisaanni § 2, imm. 1, nr. 3-mi atuuttumi atuutsinneqanngitsunik erseqqissaasoqarpoq, taamaalillutik umiarsuit 200 BT-mit minnerusumik angissusillit tamarmik, Kalaallit Nunaanni angerlarsimaffillitut nalunaarsoqqasut umiarsualivimmiinnermut akileraarummi mininneqarput. Dansk Skibsregisterimi nalunaarsuisarnermut periarfissap ilaatigut kalaallit sunngiffimmi angallataannut 20 BT-mit minnerusunut angissusilinnut peerneqarnerata kingunerisaanik ”Kalaallit Nunaanni angerlarsimaffeqartutut nalunaarsorneqarsimasut” pillugit piumasaqaat peerneqarpoq.

Tamanna atortutigut allannguineramik kinguneqassanngilaq imaluunniit nr. 3-mi umiarsuit sorliit ilaatinneqanngitsunut aalajangersakkami pineqarnerannut tunngatillugu nassuiaammik allannguineramik kinguneqassanngilaq. Umiarsuit 200 BT-mit minnerusumik angissusillit maani nunatsinni angerlarsimaffillit ilaatinneqanngitsunut aalajangersakkami sulii pineqassapput, malittarisassat maannakkut atuuttut nalunaarsorneqartussaannerat nalunaarsorneqartussaanninneralluunniit apeqqutaatinnagu.

Nr. 15-imi atuutsinneqanngitsumik nutaamik ilanngussisoqarpoq, tamatuma kingorna umiarsuit taamaallaat eqqakkanik atortussanillu atoqqitassanik katersuinnermut, angallassinermut usingiarnermullu atatillugu pisortanut sullissillutik umiarsualivimmut tulattut umiarsualivimmiinnermut akileraarutinik akileeqquneqassapput. Umiarsuit taamaallaat eqqakkanik atortussanillu atoqqitassanik katersuinnermut, angallassinermut usingiarnermullu atatillugu atorneqarpata umiarsuit eqqaavilerinnermut ingerlatseqatigiiffimmit 100 %-imik pisortanit pigineqartunit, assersuutigalugu ESANI A/S-imit atorneqartut mininneqarnissaat siunnerfigineqarpoq.

Nr. 12-imut

Nalunaaruteqarnek, naggasiineq akiliinerlu pillugit immikkoortumik nutaamik qulequttamik ilanngussisoqarpoq.

Nr. 13-imut

Inatsisartut inatsisaanni oqaasertanik naleqqussaasoqarpoq, tassami Akileraarutinik akitsuutinillu akileeqqusinissamut nalunaaruteqarnissamullu tunngatillugu najukkami umiarsualiveqarnermut oqartussat maannamut pisussaaffigisimasaat peerneqarmata.

Inatsimmi § 5-imi, imm. 1-2 siunnersuummi § 7, imm. 1-3-mi ingerlateqqinneqarput, taamaattorli umiarsuup naalagaa, isumaqatiginninniartartua agentiataluunniit umiarsuup suussusersinissaanut paasissutissat pisariallit toqqaannartumik akileraaruseriffimmut elektroniskinnngorlugit nalunaarutigisalertussaavai kiisalu akileraarutinit akiligassanik akitsuutinillu akileeqqusinernik naatsorsuusiortassalluni. Paasissutissat pisariallit Inatsisartut inatsisaanni oqaasertaani erseqqissarneqarunnaarput, taamaattorli siunissami nalunaarutini attuumassuteqartuni allassimajumaarput.

§ 4-mi ilaasunut akitsuut umiarsuup nunassinnerani imaluunniit Kalaallit Nunaanni umiarsualiviup avataani kisarnermi imaluunniit Kalaallit Nunaanni kisarfimmut tikinnermi ilaasut amerlassusaat pillugit paasissutissat tunngavigalugit aalajangerneqarpoq, takuuk § 7, imm. 1.

Umiarsuaq takornariartaat taamaalilluni 500-nik ilaasoqarluni tikippat, ilaasunut akitsuut, ilaasut niusut imaluunniit ilaasut nutaat umiarsualivimmut nunassinnerup kisarfimmulluunniit apuunnerup kingorna amerlassusaat apeqqutaatinnagu, ilaasut amerlassusaat aallaavigalugu aalajangerneqarpoq.

§ 3 naapertorlugu umiarsualivimmiinnermut akitsuut aamma § 5 naapertorlugu akiligassat akileneqartussat kingusinnerpaamik umiarsualivimmit kisarfimmiilluunniit aallarnermi aalajangerneqassapput.

Ilaasut inuiaassusiannik, amerlassusaannik sumiiffinnillu tikeraarneqartunik maannakkut nalunaaruteqartussaaneq ingerlateqqinneqarpoq. Naatsorsueqqissaartarfiup Kalaallit Nunaanni takonariartaatinik takonariaqarnerup ineriartornerata paasinarsarneqarnissaanut atugassatut paasissutissanik katersuinissaa siunertaralugu nalunaaruteqartoqartoqartarpoq.

Siunnersuummi § 8-mi Inatsisartut inatsisaanni § 4 aamma § 5, imm. 3-7 ingerlateqqinneqarput, erseqqissaasoqarlunili. Matuma kingorna najukkami umiarsualiveqarnermut oqartussanut innersuussisarneq malittarisassallu peerneqarput.

§ 3 naapertorlugu umiarsualivimmiinnermut akitsuummik naatsorsuinnermut atugassatut, bruttotonnage bruttotonitut (BT) uuttorneqartoq atorneqarpoq.

Akileraaruseriffiup nakkutilliinnerminut atatillugu piffissami aalajangersimasumi ass. tulaqqanermut tunngatillugu paasissutissat pillugit najukkami umiarsualiveqarnermut oqartussanut suli qinnuiginnittassaaq. Akileraaruserinnermik ingerlatsineq pillugu Inatsisartut inatsisaanni nr. 11, 2. novembari 2006-imeersumi malittarisassani atuuttuni, matumani pisortatut oqartussaasut paasissutissat eqqarsaatigalugit akileraaruseriffiup akileraarusiinissamut akitsuutinillu angissusiliinissamut pingaaruteqarsorisaanik tamanik tunisisussaanerat pillugu ilaatigut Inatsisartut inatsisaanni tassani § 64-imi allassimavoq.

Akileraaruseriffiup kommuninut avatangiisinut aserfallatsaaliuinnermullu akitsuutininik ukiumut ataasiarluni naatsorsuisarnera § 8, imm. 5-imi (§ 5, imm. 7-imi atuuttumi) allassimavoq. ”Ukiumi pisartut naammassereernerisa kingorna” peerneqarpoq, tassungalu taarsiullugu ukiumi tulluuttumi januaarip naanerani naatsorsuusiortarneq ilanngunneqarpoq.

Ukiuni kingullerni misilittagaanit erserpoq ukiut tamaasa ukiumi pisartut naammassereernerisa kingorna tulattut akiliisimannginnerisa taamaatinnissaasalu amigaataasarnerat Akileraartarnermut Aqutsisoqarfimmit misigineqartarpoq. Ukiup tulluuttup aallartinnerani kommuninut akilersuinnermut / akiliisarnerup allanngortinneratigut kommuninut kommunimiillu naqqiissutininik allaffissorneruneq pinngitsoortinneqassaaq.

Siunnersuummi § 9-mi Inatsisartut inatsisaanni § 6-imiittut ingerlateqqinneqarpoq, tassani akileraaruseriffik akitsuutininik akileneqartussanik akiligassanillu akileqquneqartunik taakku annertussaat umiarsuaq sinnerlugu naatsorsorneqanngitsunik missingiilluni annertussusiliisinnaatinneqarpoq.

Nr. 14-imut

Maannamut najukkami umiarsualiveqarnermut oqartussat akileraarutinik akitsuutinillu akileeqqusinissamut, nalunaaruteqarnissamut akiliinissamullu pisussaaffiisa peerneqarnerisa, allannguutit kingunerisaannik allannguisoqarpoq, matuma kingorna Inatsisartut inatsisaanni § 10-mi akiliisimannginnerit pillugit umiarsualiveqarnermut oqartussat akileraaruseriffimmut nalunaaruteqartussaataitanerat pillugu immikkoortoq kingulleq atorunnaarsinneqarpoq.

Nr. 15-imut

Allannguutit kingunerisaannik allannguinnermi Inatsisartut inatsisaanni § 12, imm. 2 atorunnaarsinneqarpoq. Maannamut najukkami umiarsualiveqarnermut oqartussat akileraarutinik akitsuutinillu akileeqqusinissamut, nalunaaruteqarnissamut akiliinissamullu pisussaaffiisa peerneqarnerisa kingunerisaanik pisussaaffik pisariaqarunnaarpoq.

§ 12, imm. 2-mi atuuttut malillugit qitiusumik umiarsualiveqarnermut oqartussat pisortat namminersortulluunniit suliffeqarfiisa najukkami, najukkami umiarsualiveqarnermut oqartussat suliassaannik isumaginninnissaannut peqqusisinnaapput piginnaatitsisinnaallutillu, tassunga ilanngullugit Nunatta Karsianut kommuninullu akiligassat akileraarutinik akileeqqusineq taakkulu akileraaruseriffimmut akilernissaat. Suliassaq tamanna maannakkut umiarsualiveqarnermut oqartussanit - umiarsualivik apeqqutaalluni - Royal Arctic Line A/S-imit, Sikuki Nuuk Harbour A/S-imit, KNI Pilersuisoq A/S-imit imaluunniit Mittarfeqarfiit A/S-imit isumagineqartarpoq.

Maannamut akileraarutinik akitsuutinillu akileeqqusinissamut, nalunaaruteqarnissamut akiliinissamullu tunngatillugu maannamut pisussaaffiusimasut malitsigisaannik Inatsisartut inatsisaanni § 12, imm. 3-mi allannguutit kingunerisaanik najukkami, umiarsualiveqarnermut oqartussaasup ukiumoortumik nalunaarusiornissaa pillugu piumasaqaat peerneqarpoq. Najukkami umiarsualiveqarnermut oqartussat ukiumoortumik nalunaarusiornissamut nassiussinissamullu pisussaaffeqarunnaarput.

Akileraaruseriffiup nalunaaruteqartarfia pillugu najukkami umiarsualiveqarnermut oqartussat innersuussinissamut ilitersuinissamullu tunngatillugu piumasaqaatinik Naalakkersuisut aalajangersaasinnaaneranannut aalajangersagaq allanngortinneqarpoq. Umiarsuit, Talippoq pillugu, pisussaaffiliinerullu kinguneri pillugit ilisimasaqarnissaat qulakkeerniarlugu taamatut pisussaaffiliineq pisariaqarpoq.

Maleruagassaq avatangiisinut aserfallatsaaliuinnermullu akiliummik maannamut siunertamik ingerlatitseqqiinera kommunit najukkami nunallu immikkoortuani takornariaqarnermik ineriartortitsinissamik periarfissaqarnissaat qulakkeerneqarpoq.

§ 2-mut

Inatsimmut allannguut 1. januaari 2026-mi atuutilersinneqassasoq siunnersuutigineqarpoq.

Siunnersuut inatsimmut atuuttumut sanilliullugu	
Oqaasertaliunneqartut atuuttut	Siunnersuut
	§ 1 Umiarsualivimmiinnermut akileraarutit pillugit Inatsisartut inatsisaanni nr. 20, 30. oktobari 1992-meersumi, Namminersorlutik Oqartussat nalunaarutaat nr. 23 26. aprili 2024-meersoq naapertorlugu, makku allannguutigitinneqarput:
§ 1. Umiarsuit nunalinneranni umiarsualiviilluunniit avataanni kisarneranni aamma Kalaallit Nunaanni kisarfimmut tikinneranni umiarsualivimmiinnermut aamma umiarsuarni takornarianik angallassisuni ilaasut akileraarutinin Nunatta Karsianut akiliisassapput, tak. §§ 1 a aamma 1 b.	1. § 1 ima oqaasertalerneqassaaq: ” § 1. Umiarsuit nunalinneranni umiarsualiviilluunniit avataanni kisarneranni imaluunniit Kalaallit Nunaanni kisarfimmut tikinneranni akileraarutinin akitsuutinillu ukuninnga akileeqquneqarput, taamaattorli § 6 takuuk: 1) § 3 malillugu umiarsualivimmiinnermut akileraarut. 2) § 4 malillugu umiarsuarnut takornariartaatinut umiarsuarnullu ilaasartaatinut ilaasunut akitsuut. 3) § 5 malillugu umiarsuarnut takornariartaatinut umiarsuarnullu ilaasartaatinut avatangiisinut aserfallatsaaliuinnermullu akitsuutit.”
	2. § 1-ip kingorna qulequtaq nutaaq ilanngunneqarpoq: ”Umiarsualivimmiinnermut akileraarut”
§ 1 a. Umiarsuit tamarmik umiarsualivimmiinnermut akileraarummik akiliisassapput, taamaattorli § 2 takuuk. § 1 b. Umiarsuit takornariartaatit tamarmik § 1a, taamaattoq § 2 naapertorlugu umiarsualivimmiinnermut akileraarummut tapitut ilaasut tamarmik amerlassusaat malillugit nunalinerit tamaasa ataasiarlutik	3. § 1 a, § 1 b aamma § 1 c atorunnaarsinneqarput.

ilaasunut akitsuummumut akiliisassapput. Ilaasunut akitsuut ilaasumut ataatsimut 50 kr.-nik annertussuseqarpoq. <i>Imm. 2.</i> 2025-mut ukiumi aningaasanut inatsiseqarfiusumi kingornalu umiarsuarni takornariartaatini ilaasunut akileraarutitut akigititat, aningaasanut inatsimmi oqaasertaliussani allanngortinneqarsinnaapput. § 1 c. Umiarsuarni takornariartaatini ilaasut umiarsualivimmi umiarsualiviullu avataani, tassunga ilanngullugu sineriammi pinngortitamilu niunnginneranni, kommune avatangiisinut aserfallatsaaliuinemullu umiarsuarni takornariartaatini ilaasumut ataatsimut annertunerpaamik 50 kr.-nik akiligassanik aalajangiinissamut piginnaatinneqarpoq. Akileraarut nunaligussinermi umiarsuup takornariartaatip ilaasui tunngavigalugit, nunaligunneqartut amerlassusai apeqqutaatinnagit, naatsorsorneqassaaq. Kommuni sumiiffiit attuumassutillit tamakku toqqassavai, aamma ukiup siuliani akileraartarnermut aqutsisoqarfimmut kingusinnerpaamik 1. oktobarimi nalunaarutigineqartussat akiligassat annertussusaat taakkununga atasut aalajangersassallugit.	
§ 2. §§ 1 a aamma 1 b malillugu akileraaruteqartussaataaangillat aamma 1 c malillugu akiliutinik akiliisinneqartussaangillat: 1) Angallatit aalisariutit Kalaallit Nunaanni angerlarsimaffeqartutut nalunaarsorneqarsimasut. 2) Angallatit aalisariutit Kalaallit Nunaanni aalisarnermik suliffeqarfimmit attartorneqartut. 3) Umiarsuit 200 bruttotonimit (BT)	4. § 2 atorunnaarsinneqarpoq.

minnerusumik angissuseqartut Kalaallit Nunaanni angerlarsimaffeqartutut nalunaarsornikut. 4) Niuerfimmi atugaanngitsut sorsuutit danskinit nunanillu allanit pigineqartut, kiisalu danskit nunallu allat naalagaaffiisa umiarsuaataat. 5) Umiarsuit Namminersornerullutik Oqartussat ingerlatsiviinit, Kalaallit Nunaanni kommunimit imaluunniit danskit naalagaaffiannit pigineqartut attartorneqartulluunniit. 6) Umiarsuit aseruatitersimasut usimik allagartaat malillugit umiarsualivimmut pineqartumut nunalittussaanngikkaluartut. 7) Umiarsuit taamaallaat pujorsuutiminnik aaqqiiniarlutik, nakorsamik atorfissaqartitsillutik, inuttatik taarsissallugit, imaluunniit napparsimasunik, toqusunik imaluunniit umiusimasunik imaluunniit imaani umiarsuarmut ikisaminnik imaluunniit ilisimasortamik niusiartorlutik umiarsualivimmut nunalinniartut. 8) Umiarsuit taamaallaat ilisimasassarsiornermut imaluunniit ikiuiniarnermut atorneqartartut. 9) Umiarsuit nunaqarfinnik isorliunerusunillu pilersuinermi aalajangersimasunik ingerlaarfeqartut. 10) Ilaasartaatit umiarsuaatileqatigiiffinnit Kalaallit Nunaanni Namminersorlutik Oqartussanut sullissinissamik isumaqatigiissuteqartunit pigineqartut. 11) Umiarsuit Kalaallit Nunaanni aalajangersimasumik inissinneqartut, taamaallaat umiarsuartut annanniutitut, kalittaatitut, siorartaatitut, ujaqqanik qalluutitut, aaqqartartut umiarsuaattut prammitulluunniit atorneqartut.	
--	--

12) Umiarsuit Kalaallit Nunaanni nunami suliffissuarmi tunisassiornissaq siunertaralugu aalisakkanik imaluunniit aalisakkanit tunisassianik Danmarkimi, Savalimmiuni nunaniluunniit allani pisianik usingiartut. 13) Umiarsuit nunaqarfinni avinngarusimasunilu aalisakkanik aalisakkaniillu tunisassianik pisiortortut. 14) Umiarsuit taamaallaat uuliamik uuliamillu tunisassianik assartuisut. Imm. 2. Umiarsuit umiarsualivimmut 1-imut arlalinniluunniit aalajangersimasumik angalasut § 1 b malillugu akileraaruteqartussaataa ngillat aamma 1 c malillugu akiliutinik akiliisinneqartussaangillat.	
§ 3. Akileraarut akit uku malillugit bruttotonimut ataatsimut (BT-mut) naatsorsorneqassapput, taamaattorli minnerpaatut 70 BT-mut: 1) Umiarsuup brutttonia 30.000 BT-nik qaangiisimassanngippat umiarsuit takornariartaatit ullup unnuallu aallartinnerinut ataasiakkaanut tamanut 1 kr. 10 øre. Umiarsuup BT-a 30.000-iuppat imaluunniit sinnersimassappagu akitsuut ullormut unnuamullu aallartittunut ataasiakkaanut tamanut tassaassaaq BT-kkaanut tamanut 2 kr. 20 øre, taamaattorli takuuk imm. 2. 2) Ilaasartaatit ullup unnuallu aallartinneranut 0 kr. 70 øre. 3) Aalisariutit Danmarkimi, Savalimmiuni nunaniluunniit allani angerlarsimaffeqartutut nalunaarsorneqarnikut ullup unnuallu aallartinneranut 0 kr. 70 øre.	5. § 3 ima oqaasertalerneqassaaq: ” § 3. Umiarsuit tamarmik nunalinneranni umiarsualiviilluunniit avataanni kisarneranni imaluunniit Kalaallit Nunaanni kisarfimmut tikinneranni akileraarutinik akitsuutinillu ukuninnga akileeqquneqarput, taamaattorli § 6 takuuk: <i>Imm. 2.</i> Umiarsualivimmiinnermut akileraarut minnerpaamik 100 bruttotonimut (BT) ukununnga BT-mut akigititaqarlutik naatsorsorneqartassapput: 1) Umiarsuaq takornariartaat ullormut unnuamullu aallartittumut 1 kr. 10 oori, umiarsuup 30.000 BT qaangersimanngippagu, taamaattorli § 3 takuuk. 2) Umiarsuup takornariartaatip BT-ia 30.000-uppat taannaluunniit qaangerpagu ullormut unnuamullu aallartittumut 2 kr. 20 ooriussaaq, taamaattorli imm. 3 takuuk. 3) Umiarsuaq ilaasunik angallassisussatut sananeqarsimasooq (umiarsuaq ilaasartaat) 100 BT-iuppat taannaluunniit qaangerlugu

4) Umiarsuit nassiussanik assartuutit umiarsuillu allat sapaatip akunnerata aallartinneranut 0 kr. 70 øre. <i>Imm. 2.</i> Umiarsuit takornariartaatit Nuummi umiarsualivimmut tikinneranni imm. 1, nr. 1-imi akileraarutini akigititat atorneqanngillat. Umiarsuaq takornariartaat 30.000 BT sinnerlugu oqimaassuseqanngippat akileraarut tassaassaaq 0 kr. Umiarsuup BT-a 30.000-iussappat imaluunniit qaangersimassappagu akileraarut ullormut unnuamullu aallartitanut ataasiakkaanut tamanut tassaassaaq BT-kkaanut 0 kr. 70 øre.	angissuseqarpat ullormut unnuamullu 1 kr. 10 ooreqassaaq. 4) Angallatit aalisariutit Danmarkimi, Savalimmiuni nunaniluunniit allani angerlarsimaffeqartutut nalunaarsorneqarsimasut ullormut unnuamullu aallartittumut 0 kr. 70 ooreqarput. 5) Umiarsuit nassiussanik angallassisartussatut sananeqarsimasut, kiisalu umiarsuit allat sap.ak. aallartinneri tamaasa 0 kr. 70 oori. <i>Imm. 3.</i> Sunngiffimmi angallatit nunanit allaneersut 100 BT ataallugu angissusillit, matumani angallatit tingerlaatillit, umiarsualivimmiinnermut akitsuutaat ullormut unnuamullu aallartittumut 300 kr.-qarput. <i>Imm. 4.</i> Umiarsuit takornariartaatit ilaasartaatillu Nuummi Kangerlussuarmilu tulanneranni ullormut unnuamullu aallartittumut akileraarut, umiarsuup bruttotonnagea 30.000 BT qaangersimanngippagu BT-mut 0 kr. 00 ooriussaaq, aamma umiarsuup BT-ia 30.000 -uppat taannaluunniit qaangerlugu angissuseqarpat BT-mut 0 kr. 70 ooriussaaq. ” Sunngiffimmi angallatinut nunanit allaneersunut akitsuut 0 kr.-uvoq.
	6. § 3-p kingorna qulequtaq nutaaq ilanngunneqassaaq: ”Ilaasunut akitsuut”
§ 4. § 1 a malillugu naatsorsuinermit tunngaviup naatsorsornerani BT kisitsisinut ilivitsunut qaninnernut ammut akunnaallisinneqassaaq.	7. § 4 imatut oqaasertalerneqassaaq: ” § 4. Umiarsuit takornariartaatit umiarsuillu ilaasartaatit umiarsualivimmiinnermut akileraarummut tapitut, ilaasut tamarnik amerlassusaat malillugit umiarsuit nunalinneranni, kisarneranni imaluunniit kisarfimmut tikinnermi nunalinerit tamaasa ataasiarlutik ilaasunut akitsuummumut akiliisassapput. Ilaasumut ataatsimut ilaasunut akitsuut 50 kr.-uvoq. Umiarsuit ilaasartaatit

	100 BT ataallugu oqimaassusillit ilaasut akitsuutaannut akiliisassanngillat. <i>Imm. 2. Ukiumut aningaasanut inatsiseqarfiusumut 2026-mut taassumalu kingorna ilaasunut akiliut Inatsisartunit aningaasanut inatsimmi aalajangerneqassaaq.”</i>
	8. § 4 kingorna qulequtaq nutaaq ilanngunneqassaaq: <i>”Avatangiisinut aserfallatsaaliuinnermut akiliut”</i>
§ 5. § 1 b malillugu akileraarutit akilerneqartussat umiarsuup tulanneranit ilaasut amerlassusaat pillugit paasissutissanik, umiarsualiviulluunniit avataani kisarneranit imaluunniit kisarfimmut tulanneranit tunngaveqartillugit aalajangerneqassapput. § 1 a malillugu akileraarutit akilerneqartussat aamma § 1 c malillugu akiliutit akilerneqartussat kingusinnerpaamik umiarsuup umiarsualivimmit imaluunniit kisarfimmit aallarnerani aalajangerneqassapput. <i>Imm. 2. Umiarsuup naalagaata, isumaqatiginninniartartuata, imaluunniit agentiaa kingusinnerpaamik umiarsualivimmit kisarfimmilluunniit aallarnermi akileraaruseriffiup atugassaatus, akuersissummik ilaqartillugit, akileraarutit akiligassallu akilerneqartussatut naatsorsorneqartut pillugit elektroniskinnorlugu immersugaq nassiutissavaa. Immersugassaq § 1 c naapertorlugu akiligassanut akilerneqartussanut atugassatut umiarsuup suussusaanik, umiarsuup tonnageanik bruttotonimik (BT-mik) nalunaarneqartunik, umiarsuarnut takornariartaatinut tunngatillugit umiarsualivimmi ullut unnuallu aallartittut</i>	9. § 5 imatut oqaasertalerneqassaaq: <i>” § 5. Umiarsuit takornariartaatit umiarsuilluunniit ilaasartaatit umiarsualivinnut umiarsualiviilluunniit avataannut niusineranni, tassunga ilanngullugit sineriammi pinngortitamilu niusinermi, kommunalbestyrelsi avatangiisinut aserfallatsaaliuinnermullu annerpaamik 50 kr.-nik akiligassanik aalajangersaanissamut piginnaatinneqarpoq. Angallammit ataatsimit nunniussinerit qanoq amerlatiginersut apeqqutaatinnagu sumiiffimmi ataatsimi qaammatisiutit malillugit ulloq unnnuarlu ataatsimi aqqusaarneq ataatsitut isigineqarpoq. Umiarsuit ilaasartaatit 100 BT ataallugu oqimaassusillit avatangiisinut aserfallatsaaliuinnermut akiliummut akiliisassanngillat.</i> <i>Imm. 2. Nunaligussinermi umiarsuup ilaasui tunngavigalugit nunaligunneqartut amerlassusaat apeqqutaatinnagit akiliut naatsorsorneqassaaq. Angallammit ataatsimit nunniussinerit qanoq amerlatiginersut apeqqutaatinnagu sumiiffimmi ataatsimi qaammatisiutit malillugit ulloq unnnuarlu ataatsimi aqqusaarneq ataatsitut isigineqarpoq.</i> <i>Imm. 3. Kommunalbestyrelsip sumiiffiit attuumassutillit tamakku toqqassavai, aamma ukiup siuliani akileraartarnermut aqutsisoqarfimmut kingusinnerpaamik 1. oktobarimi nalunaarutigineqartussat akiligassat</i>

piviusutut amerlassusivii, kiisalu sumiiffiit tikinneqartut amerlassusaannik ilaasullu angallammiittut amerlassusaannik immersugassaq paasissutissanik ilaneqassaaq. <i>Imm. 3.</i> §§ 1 a aamma 1 b akileraarutit akilernerqartussat aamma § 1 c malillugu akiligassat akilernerqartussat umiarsuup umiarsualivimmit kisarfimmilluunniit aallarneranit akiligassanngussapput. <i>Imm. 4.</i> Akileraarutit akiligassat, akiligassallu akilernerqartussat akiligassanngornikut umiarsualiveqarnermut oqartussanut ullut 14-it qaangiutsinnagit akilernerqassapput. <i>Imm. 5.</i> Umiarsualiveqarnermut oqartussat qaammammi umiarsualivimmiinnermut aamma umiarsuarni takornarianik angallassisuni ilaasut akileraarutaannik akileeqqusissutinillu piffissaq eqqorlugu nalunaaruteqarfissaat akiliiffissaallu kingulleq tassaavoq qaammatip tulliuttup ulluisa 15-iat. <i>Imm. 6.</i> Umiarsuit umiarsualivimmut 1-imut arlalinnnulluunniit aalajangersimasumik angalasartut § 1 a malillugu umiarsualimmiinnermut akileraarut pillugu Imm. 3 aamma 4-mi aalajangersagaasunit allaanerusumik akilersueriaaseqarnissamik akileraaruseriffimmut isumaqatigiissusiorsinnaapput. Umiarsuit umiarsualivimmut 1-imut arlalinnnulluunniit aalajangersimasumik angalasartut 1b malillugu akileraartussaataaannngillat aamma 1c, malillugu akitsuutininik akiliissanngillat, tak. § 2, imm. 2. <i>Imm. 7.</i> Ukiumi pisartut naammassereernerisa kingorna	annertussusaat taakkununga atasut aalajangersassallugit.”
--	--

akileraaruseriffiup avatangiisinut aserfallatsaaliuinemullu akiliutinit isertitat, takuuk § 1 c, kommuninut ukiumut ataasiarluni naatsorsoriarlugit akilertassavai.	
	10. § 5-ip kingorna qulequtaq nutaaq ilanngunneqassaaq: <i>Ilaatinneqanngitsut:</i>
§ 6. Akileraarutit akiligassat, akiligassallu akilernerqartussat umiarsuup akiligassai naatsorsorneqarsinnaanngippata akileraaruseriffiup akileraarutit akiligassat, akiligassallu akilernerqartussat missingiillutik annertussusilersinnaavaat.	11. § 6 ima oqaasertalerneqassaaq: ” § 6. § 3 aamma 4 malillugit akileraaruteqartussaataitanut ilaatinneqanngitsut kiisalu § 5 malillugu akitsuutitut ilaatinneqanngitsut tassaapput: 1) Aalisariutit Kalaallit Nunaanni angerlarsimaffeqartutut nalunaarsorneqarsimasut. 2) Angallatit aalisariutit Kalaallit Nunaanni aalisarnermik suliffeqarfimmit attartorneqartut. 3) Umiarsuit 200 bruttotonimit (BT) minnerusumik angissuseqartut Kalaallit Nunaanni angerlarsimaffeqartutut nalunaarsornikut. 4) Niuerfimmi atugaanngitsut sorsuutit danskinit nunanillu allanit pigineqartut, kiisalu danskit nunallu allat naalagaaffiisa umiarsuaataat. 5) Umiarsuit Namminersornerullutik Oqartussat ingerlatsiviinit, Kalaallit Nunaanni kommunimit imaluunniit danskit naalagaaffiannit pigineqartut attartorneqartulluunniit. 6) Umiarsuit aseruatersimasut usimik allagartaat malillugit umiarsualivimmut pineqartumut nunalittussaanngikkaluartut. 7) Umiarsuit taamaallaat pujorsiutiminnik aaqqiiniarlutik, nakorsamik atorfissaqartitsillutik, inuttatik taarsissallugit, imaluunniit napparsimasunik, toqusunik imaluunniit umiusimasunik imaluunniit imaani umiarsuarmut ikisaminnik imaluunniit

	ilisimasortamik niusiartorlutik umiarsualivimmut nunalinniartut. 8) Umiarsuit taamaallaat ilisimasassarsiornermut imaluunniit ikiuiniarnermut atorneqartartut. 9) Umiarsuit nunaqarfinnik isorliunerusunillu pilersuinermi aalajangersimasunik ingerlaarfeqartut. 10) Ilaasartaatit umiarsuaatileqatigiiffinnit pigineqartut ilaasunik angallassinermut tunngatillugu Kalaallit Nunaanni Namminersorlutik Oqartussanut sullissinissamik isumaqatigiissuteqartut. 11) Umiarsuit Kalaallit Nunaanni aalajangersimasumik inissinneqartut, taamaallaat umiarsuartut annanniutitut, kalittaatitut, siorartaatitut, ujaqqanik qalluutitut, aaqqartartut umiarsuaattut prammitulluunniit atorneqartut. 12) Umiarsuit Kalaallit Nunaanni nunami suliffissuarmi tunisassiornissaq siunertaralugu aalisakkanik imaluunniit aalisakkanik tunisassianik Danmarkimi, Savalimmiuni nunaniluunniit allani pisianik usingiartut. 13) Umiarsuit nunaqarfinni avinngarusimasunilu aalisakkanik aalisakkaniillu tunisassianik pisiortortut. 14) Umiarsuit uuliamik uulianilluunniit tunisassianik taamaallaat assartuisut. 15) Umiarsuit 100%-imik pisortanit pigineqartut sinnerlugit taamaallaat eqqakkanik atortussanillu atoqqitassanik katersuinermit, angallassinermut usingiarnermullu atatillugu atorneqartut. Imm. 2. Umiarsuit umiarsualivimmut ataatsimut arlalinniluunniit aalajangersimasumik angalasut § 4 malillugu akileraaruteqartussaataitaanngillat aamma § 5 malillugu akitsuutinik akiliisinneqartussaannngillat.”
--	--

	12. § 6-ip kingorna qulequtaq nutaaq ilanngunneqassaaq: <i>”Nalunaaruteqarneq, naggasiineq akiliinerlu”</i>
§ 7 (Atorunnaarsinneqarpoq). § 8 (Atorunnaarsinneqarpoq). § 9 (Atorunnaarsinneqarpoq).	13. Qulequttap nutaap kingorna ilanngunneqassaaq: ” § 7. § 4 malillugu akileraarutit akilernerqartussat umiarsuup tulanneranit ilaasut amerlassusaat pillugit paasissutissanik, umiarsualiviulluunniit avataani kisarneranit imaluunniit kisarfimmut tulanneranit tunngaveqartillugit aalajangerneqassapput. § 3 malillugu akileraarutit akilernerqartussat aamma § 5 malillugu akiliutit akilernerqartussat kingusinnerpaamik umiarsuup umiarsualivimmit imaluunniit kisarfimmit aallarnerani aalajangerneqassapput. <i>Imm. 2.</i> Umiarsuup naalagaa, isumaqatiginninniartartua agentiataluunniit kingusinnerpaamik umiarsualivimmiit kisarfimmiilluunniit aallarnerani akileraarutitut akiligassanik akitsuutinillu akileeqqusinernik naatsorsuutinik kiisalu umiarsuup suussusersinissaanut il.il. paasissutissat pisariallit toqqaannartumik akileraaruseriffimmut elektroniskinnorlugit nalunaarutigisalertussaavai. <i>Imm. 3.</i> § 3, imm. 2, nr. 1-3 naapertorlugit umiarsuit takornariartaatit umiarsuillu ilaasartaatit ilaasut amerlassusaat kiisalu § 5 malillugu akiligassanut akilernerqartussanut atugassatut taakku inuiaassusaat kiisalu sumiiffiit tikinneqartut amerlassusaat ilaasullu angallammiittut amerlassusaat nalunaarutigissavaat. § 8. § 3 malillugu naatsorsuinermit tunngaviup naatsorsornerani BT kisitsisinut ilivitsunut qaninnernut ammut akunnaallisinneqassaaq. <i>Imm. 2.</i> §§ 3 aamma 4 akileraarutit akilernerqartussat aamma § 5 malillugu

	akiligassat akilerneqartussat umiarsuup umiarsualivimmit kisarfimmilluunniit aallarneranit akiligassanngussapput. <i>Imm. 3.</i> Akileraaruseriffimmiit akiligassiissutip tigueneraniit akileraarutit akiligassat, akiligassallu akilerneqartussat akiligassanngornikut akileraaruseriffimmut ullut 14-it qaangiutsinnagit akilerneqassapput, taamaattorli imm. 4 takuuk. <i>Imm. 4.</i> Umiarsuit umiarsualivimmut ataatsimut arlalinnnulluunniit aalajangersimasumik angalasartut § 3 malillugu umiarsualimmiinnermut akileraarut pillugu Imm. 2 aamma 3-mi aalajangersagaasunit allaanerumik akilersueriaaseqarnissamik akileraaruseriffimmut isumaqatigiissusiorsinnaapput. <i>Imm. 5.</i> Ukiup tulliani januari naatinngu akileraaruseriffiup avatangiisinut aserfallatsaaliuinnermullu akiliutinit isertitat, takuuk § 5, kommuninut ukiumut ataasiarluni naatsorsoriarlugit akilertassavai. § 9. Akileraarutit akiligassat, akiligassallu akilerneqartussat umiarsuup akiligassai naatsorsorneqarsinnaanngippata akileraaruseriffiup akileraarutit akiligassat, akiligassallu akilerneqartussat missingiillutik annertussusilersinnaavaat.”
§ 10. Inatsisartut inatsisaat manna malillugu akileraarutitut akiligassanik, akitsuutinik akileeqqusissutinik, aamma akiliissutissanngortitat akilernissaannut assigiittut pineqarlutik umiarsuaatilik, piginnittoq, attartuisoq aamma pisortaasoq akiliisussaapput. Akiliisoqannginnerani akileeqqusissutip kingornatigut taassuminnga akiliisitsiniarnissaa siunertaralugu akileraartarnermut allattoqarfimmut tamatuma nalunaarutiginnissaanut	14. § 10 ima allanneqassaaq: ” § 10. Inatsisartut inatsisaat manna malillugu akileraarutitut akiligassanik, akitsuutinik akileeqqusissutinik, aamma akiliissutissanngortitat akilernissaannut assigiittut pineqarlutik umiarsuaatilik, piginnittoq, attartuisoq aamma pisortaasoq akiliisussaapput.”

umiarsualiveqarfimmi oqartussaasoqarfik pisussaaffeqarpoq.	
§ 12. Naalakkersuisut Inatsisartut inatsisaata matuma atuutilersinnissaanut uku pillugit malittarisassiorsinnaapput. <i>Imm. 2.</i> Umiarsualiveqarnermut qitiusumik oqartussat suliffeqarfiit Inatsisartut inatsisaanni akileraarutit ilaasut Nunatta Karsianut kommuninullu akiligassat akilerneqartussat akilersinniarnissaannut taakkulu akileraaruserfimmud akilerneqarnissaannut peqqusinissaannik piginnaatitsinissamillu piginnaatissinnaavai. <i>Imm. 3.</i> Naalakkersuisut najukkami umiarsualiveqarnermut oqartussaataasutut toqqarneqartut qaammatisiutit malillugit ukiut naanerisa kingorna tamaasa ukiumoortumik nalunaaruteqartarnissaannut piumasaqaatinik aalajangersaasinnaapput. Nalunaarutip suliarineqarneranut aningaasartuutaasinnaasut najukkani, umiarsualiveqarnermut oqartussat toqqarneqartup akilissavaat. <i>Imm. 4.</i> Naalakkersuisut kommunit avatangiisinut aserfallatsaaliornermullu akiliummit isertitat atuinissaannut aamma naatsorsuusiornerrannut malittarisassanik aalajangersaasinnaapput. Akiliutip kommunit najugaqarfigisami nunallu immikkoortuani takornariartitsinermut periarfissanik ineriartortitsineq siunertaraa.	15. § 12 imatut oqaasertalerneqassaaq: ” § 12. Naalakkersuisut Inatsisartut inatsisaata matuma atuutilersinnissaanut uku pillugit erseqqinnerusunik malittarisassiorsinnaapput. <i>Imm. 2.</i> Akileraaruseriffiup nalunaaruteqartarfia pillugu najukkami umiarsualiveqarnermut oqartussat innersuussinissamut ilitersuinissamullu tunngatillugu piumasaqaatinik Naalakkersuisut aalajangersaasinnaapput. <i>Imm. 3.</i> Naalakkersuisut kommunit avatangiisinut aserfallatsaaliornermullu akiliummit isertitat atuinissaannut aamma naatsorsuusiornerrannut malittarisassanik erseqqinnerusunik aalajangersaasinnaapput.”
	§ 2 Inatsisartut inatsisaat ulloq 1. januaari 2026 atuutilissaaq.

Tusarniaaneq

Siunnersuut piffissami 18. juni 2025-mit 16. juli 2025-mut tamanut tusarniutigineqarpoq.

Siunnersuut pisortanut, kattuffinnut suliffeqarfinnullu ukununga toqqaannartumik nassiunneqarpoq:

GE Sulisitsisut, SIK, Grønlands Revision, BDO, Grønlandske Advokater, Royal Arctic Line A/S, Arctic Umiaq Line A/S, Visit Greenland A/S, KNAPK, AECO (Association of Arctic Expedition Cruise Operators), KNI A/S, Blue Water Shipping, Eimskip, Arctic Circle Business, Innovation South Greenland, Qeqertalik Business Council, Imaq Pilot, Sikuki Nuuk Harbour A/S, Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq.

Ukununga tusarniaanermi akissutit tiguneqarput:

Visit Greenland, Sikuki Nuuk Harbour A/S, SIK, Royal Arctic Line, Sulisitsisut.

Tusarniaaffigineqartut uku oqaaseqaatissaqanngillat.

Visit Greenland, SIK, Sulisitsisut.

Royal Arctic Line allappoq:

”Royal Arctic Line A/S-ip allannguutissatut siunnersuutit pitsaasusutut isigai, tassani umiarsualivimmiinnermi aamma umiarsuarnut ilaasunut akitsuutinik akiliisitsisarneq nalunaaruteqartarnerlu Talippoq aqqutigalugu akileraaruseriffimmit siunissami toqqaannartumik isumagineqartassallutik.

Umiarsualivimmi oqartussatut naliliivugut, periutsimi siunnersuutigineqartumi allaffissornermi suliasat annertuumik oqilisinneqassasut, tassa akitsuutinik akiliisitsiniartussaajunnaassagatta akileraaruseriffimmillu akiliutinik akiliisussaajunnaassagatta. Tamanna akitsuutinik sunniuteqarnerusumik assigiaarnerusumillu allaffissornermi aqutsinermut tapersiissaaq suliasatsinnnullu pingaarnernut isumalluuteqarnerulissalluta.

Umiarsualivimmi oqartussat Talippoq pillugu umiarsuarnut tikittunut ilitersuisarnermik siunissami suliasaqarnissarput tusaatissatut tiguarput, periutsimilu nutaami atuutilersitsinermut tapersiinnissarput piareersimaffigaarput.”

Aningaasaqarnermut Akileraartarnermullu Naalakkersuisoqarfik oqaaseqaateqarpoq:

Talippoq atorlugu aaqqiissuteqarneq umiarsualivinnilu oqartussat siunissami ilitersuisarnermik suliaqalernissaat akitsuutinillu sunniuteqarnerusumik assigiaarnerusumillu allaffissornikkut aqutsinermut tapersiissasoq Royal Arctic Linellu suliaasaanut pingaarnernut isumalluuteqalernerunissaq Naalakkersuisoqarfiup isumaqatigaa.

Sikuki Nuuk Harbour A/S allappoq:

”Akitsuuseeriaaseq oqaatigineqarpoq pillugu erseqqissaanerup ingerlatsisut apeqqutaatinnagit niuernerunngitsumik niuermilum umiarsualivinnik siunissami ingerlatsilersinnaanermi aamma atorneqarnissaanik oqaaseqaatip ilaneqarnissaa inassuteqaatigaarput. Tamatut ilanngussinermi inatsimmi erseqqarissitsineq qulakkeerneqassaaq, tassunga ilanngullugit piginnittuunermi pissutinik, akuersissutit pillugit isumaqatigiissutinik allannguinnermi niuermilum umiarsualivinnik nutaanik pilersitsinermi.

Aningaasaqarnermut Akileraartarnermullu Naalakkersuisoqarfik oqaaseqaateqarpoq:

Aningaasaqarnermut Akileraartarnermullu Naalakkersuisoqarfiup Nuup umiarsualivianut aamma Kangerlussuup umiarsualivianut akitsuutinik aalajangiinnermi, akitsuutinik aalajangiinnissamik nalilersuinnginnermi kisitsisiviit naatsorsuutillu misissortarneri periuserinikuuaa.

Naalakkersuisoqarfik naliliivoq, periutsip taassuma attatiinnarnissaa eqqornerpaajussasoq, taamaalilluni tamanna akileraarutinit akitsuutiniillu isertitanut taamaalillunilu nunap karsianut toqqaannartumik sunniuteqartarmat akitsuutinik aalajangiinnermi tamani pissusiviit ataasiakkaanullu atuuttut suliarineqartarlutik.

Naalakkersuisoqarfik aamma naliliivoq, piginnittuunermi pissusiusinnaasut pillugit oqaaseqaammut atatillugu Inatsisartut inatsisaanni oqaaseqaatiniluunniit allannguinnissamik pisariaqartitsisoqanngitsaq. Naalakkersuisoqarfik naliliivoq, Sikuki Nuuk Harbour A/S-imi atimik allannguisinnaaneq allalluunniit piginnittuulersinnaanerat aalajangersakkami atuussinnaasaq, tassa Nuummut Kangerlussuarmullu umiarsualivinnut killilerlugit taamaallaat akitsuuseeriaaseq innersuussutigineqarmat.

Oqaaseqaat allannguinnermik kinguneqanngilaq.

Sikuki Nuuk Harbour A/S allappoq:

”2025-mi akiviit atuuttullu:

- Nuup Umiarsualiviani 1,17 kr./BT
- Kangerlussuup Umiarsualiviani 2,08 kr./BT

Inassuteqaatigaarput, kisitsisit eqqorluartitsinissaq qulakkeerniarlugu akinut eqqortunut nutarterneqassasut.

Peqatigitillugu malugaarput ingerlatseqatigiiffik oqaaseqaatini taaneqartoq Sikuki Harbour AS, tamannalu ingerlatseqatigiiffiup ativanut Sikuki Nuuk Harbour A/S-imut naapertuutinnngilaq. Inassuteqaatigaarput taaguut oqaasertani tamani naqqinneqassasoq, taamaalilluni suliffeqarfiup ingerlatsineranik innersuussinermi paatsoortoqassanngimmat.”

Aningaasaqarnermut Akileraartarnermullu Naalakkersuisoqarfik oqaaseqaateqarpoq:

Sikuki Nuuk Harbour A/S-ip oqaaseqatigai Naalakkersuisoqarfiup isumaqatigai, siunnersuummullu nassuiaatini allannguilluni.

Sikuki Nuuk Harbour A/S allappoq:

Sikuki Nuuk Harbour A/S-ip ilaasartaatinut umiarsualivimmiinnermi akitsuutinik assigiinngiaartitsisoqarnissaa kaammattuutigaa, taamaalilluni niuernermi umiarsualivinnut tulannermi ilaasartaatinut tamarmiusut naleqqutinngitsumik ataatsimut qaffasissunik akitsuusiisoqassanani. Taamatut periuseqarnermi umiarsuarnut takornariartaatinut periuseqarnermi unammilleqatigiinnermi tulluurtunik atugassaqaartitsinissaq qulakkeerneqassaaq.

Aningaasaqarnermut Akileraartarnermullu Naalakkersuisoqarfik oqaaseqaateqarpoq:

Suussutsip ”ilaasartaatit” ilanngunneqarnissaa pillugu Sikuki Nuuk Harbour A/S-ip oqaaseqaataa Aningaasaqarnermut Akileraartarnermullu Naalakkersuisoqarfiup isumaqatigaa, taamaattoqarpat assigiinngisitsisoqalissaaq, tassani ilaasartaataanani umiarsuaanissaq takornariartaat akitsuusiinnermi iluanaarnarnerussalluni.

Oqaaseqaat siunnersuummi § 1, nr. 5-imi allannguinnermik kinguneqarpoq taamaalilluni § 3, imm. 4-mi Nuummi Kangerlussuarmilu umiarsualivinnut tulannermi akitsuut 0,00 kr.-mut aamma appartinneqarpoq.

Sikuki Nuuk Harbour A/S allappoq:

Sikuki Nuuk Harbour A/S-ip sunngiffimmi angallatinut nunanit allaneersunit, tassunga ilanngullugit tissiartaatinut, umiarsualivimmiinnermut assigiinngiaartumik akitsuuteqarnissaa kaammattuutigaa, taamaalilluni niuernermi umiarsualivimmut tulannerni tulluanngitsumik qaffasissumik ataatsimut akitsuusiisoqassanani. Taamatut periuseqarnermi tulluurtumik unammilleqatigiinnermi atugassaqaartitsinissaq qulakkeerneqassaaq, aammalu umiarsuarnut takornariartitaatinut periuseq atuuttoq atorneqassalluni.

Aningaasaqarnermut Akileraartarnermullu Naalakkersuisoqarfik oqaaseqaateqarpoq:

Suussutsip “sunngiffimmi angallatit nunanit allaneersut” ilanngunneqarnissaat pillugu Sikuki Nuuk Harbour A/S-ip oqaaseqaataa Aningaasaqarnermut Akileraartarnermullu Naalakkersuisoqarfiup isumaqatigaa, taamaalilluni Nuummi Kangerlussuarmilu umiarsualivinnik taakku atuinerani ataatsimut atuisutut akiliutit tulluanngitsumik qaffasissammata.

Oqaaseqaat sinnersuummi § 1, nr. 5-imi allannguineramik kinguneqarpoq, taamaalilluni § 3, imm. 4-mi sunngiffimmi angallatinut nunanit allaneersunit akitsuutip 0 kr.-mut appartinnera oqaaseqatigiit aappaanni ilanngunneqarpoq.